



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1566 usque ad annum 1572

**Fleury, Claude**

**August. Vind. [u.a.], 1772**

**VD18 90118634**

§. 48. Scotiæ Regina e carcere dilapsa, atque in Angliam profuga.

---

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

faris aula Pii V. Pontificis Legatus Sæcul. XVI.  
A C. 1568.  
erat, preces, opemque recurrebat: ast  
idem hic quoque Cardinalis Stanislai  
parentes flectere desperabat, eapropter  
juvenis Romæ agens ad Borgiæ Gene-  
ralis pedes provolutus ab eodem ad  
Novitiatum recipiebatur, in quo tem-  
pore nondum expleto obiit. Hic idem  
vitam suam ingenti morum innocentia  
transigebat, quam etiam Deus pluribus  
miraculis ad ejus invocationem patra-  
tis testatam reddebat, quibus permo-  
tus Benedictus XIII. illum paulopost  
Sanctorum Albo inscripsit.

§. XLVIII.

*Scotiæ Regina e carcere dilapsa, at-  
que in Angliam profuga.*

Postquam Maria Stuarta Scotiæ Regi- Buchan. hist.  
Regn Scot.  
Thu. hist. l.  
na, quamvis in carcere detenta, et  
plurimos sibi conciliaverat, tandem et-  
iam uno circiter anno post captivitatem <sup>43.</sup>  
suam auffugiendi opportunitatem nacta  
est: tum vero Nobilium quam plurimi  
ad ejus partes accesserant, horumque  
ope suffulta scriptum promulgabat, in  
in quo adversus subditorum suorum vio-  
lentiam palam reclamabat, prout jam  
supra meminimus. Eodem quoque tem-  
pore ejus cellio tanquam irrita fuit de-  
clarata ab illis, qui ejusdem studiis ad-  
dicti Regni Nobilitatem repræsentare

Sæcul. XVI.  
A. C. 1568

credebantur: ideo intra decem dierum spatium septem armatorum millia contrahens in seditiosos movebat: verum Moravius Prorex cum quatuor duntaxat millibus conferto certamine Reginae copias die decima tertia Maji Anno Salvatoris nostri millesimo quingentesimo sexagesimo octavo profligavit: cum ergo Maria ex eminenti loco certamen suorumque cladem conspiceret, arrepto festinanter itinere in Angliam contendit, atque ad hujus Regni fines delata Reginam de præsentis rerum suorum vicissitudine certior reddebat, se suamque sortem illius patrocinio committens.

Elisabetha, cum de responso Mariae reddendo diu deliberaret, tandem eadem exponi jussit, quod ad recuperandum illius Regnum libenter omnes suas vires impenderet, simul tamen illam rogaret, ne longius in Angliam progrediretur: quinimo eidem etiam adjunxit custodes, qui continuo ejus lateri adhærerent, adeo, ut semper capta esset, quamvis haud amplius carceri inclusa foret.

Paulopost Elisabetha in Scotiam Oratores ablegabat, qui de reducenda infelici Stuarta agerent: verum hi non nisi ignava manu hoc negotium urgebant: Maria vero ipsamet eo decernebat

bat percelebrem Hamiltonium ex illu- Sæcul. XVI.  
A C. 1568.  
strissimo Scotorum genere natum, ac  
fui ævi Virum dexteritate nemini secun-  
dum, quem tanquam supremum Regni  
Vicarium nominans, eum veluti Pa-  
trem suum adoptabat, quæ res antehac  
nunquam audita est. Hamiltonius  
antea quasi a patria sua exul, jam  
ad eandem se tam honorificis præ-  
rogativis auctum reverti posse summo-  
pere gaudebat, nihil tamen sua exspe-  
ctatione dignum in Reginæ obsequium  
ibidem præstabat, cumque Maria in-  
gentibus dissidiis Regni Proceres in An-  
glia scindi cerneret, eorum quosdam  
sibi conciliare nitebatur, ut occurrente  
necessitatis fato eorum opem sibi præsto  
haberet: nullo igitur negotio Norfol-  
ciæ Ducem inter ceteros omnes magis  
spectatum promissis nuptiis ad sua stu-  
dia pertrahebat, cumque is dissimulare  
nescius esset, palam Mariæ Stuartæ  
partes tuebatur, acribusque verbis, ut  
sibi accusationum capita contra Regi-  
nam excogitata exhiberentur, a Mura-  
vio Comite postulavit, cunctaque scri-  
pta produci vehementer urgebat. Pri-  
mo quidem Muravius obluçtatus, paulo  
tamen post Londinum profectus Elisa-  
bethæ pollicebatur, quod Mariam in  
iudicio accusare vellet, quam in rem  
testes, atque argumenta adversus eam  
pro-

Sæcul. XVI.  
A.C. 1568

producebat: equidem Maria cum summo animi mœrore cernere cogebatur, quod Elisabetha adeo non ipsi offerre parata esset, ut etiam ipsius innocentiam, vitamque evidenti discrimini exponere non erubesceret, unde in amaras erumpebat querelas: cum autem Elisabetha hujus negotii decisionem ad aliud tempus remitteret, Maria hanc moram in rem suam vertens suam factionem numero, ac potentia firmare satagebat: re autem comperta moram Angliæ Regina, ut Mariam arctiori custodia detentam servaret, eandem ad Turburianam arcem abstrahi jussit (\*).

§. XLIX.

(\*) Mariæ Stuartæ historiam pro more suo Continuator ex infami Scriptore Buchanan, & Thuano concinnavit, ut vero rei veritas ex probatoribus Historicis Lectori comprobata reddatur, haud inconsultum erit addere ea, quæ hanc in rem Spondanus in suis Annalibus ad hunc annum num. 6. refert: *In his, inquit ipse, ceterisque ejus rebus, nulla fides habenda impio illi, & detestando Georgio Buchanan, qui adfuit in obsequio spurii Moravii, quippe quem & ipse Camdenus Anglus, quamvis pro Elisabetha agens, & a Religione Catholica alienus, scribit tamen fuisse in Moravii verba juratissimum, ejusque criminationum adversus Mariam compactarum libellum parum fidei*